

天津縣新志卷二十五

舊蹟

舊蹟必求諸古而天津則新作之邑也地本海濱荒壤匪惟秦漢以還不著於史冊卽五代以後隸遼隸宋則亦無由而知之蓋甌脫之區無主名也有之自直沽始直沽之名見於金史由金元以迄於今近不過數百歲其閒雖有確然可徵之蹟不得謂之非新也然今日之新卽異日之舊苟舍其確然有徵者不爲之記而必強索諸荒遠將傳會牽合卒不免於誣且使今日之新者再閱數百年而亦無可考見焉豈非兩失之道哉故茲

天津縣新志

卷二十五

一

編所述斷自直沽蓋地之所由始卽志之所由始亦卽舊蹟所由始表裏相埒奚事遠求哉

直沽在城東三岔河南海河起處金以完顏佐爲都統戍其地名直沽寨元至元二十五年增置直沽海運米倉至大二年摘漢軍五千給田十萬頃於直沽沿海口屯糧延祐三年置海津鎮命副都指揮使伯顏鎮遏直沽至正九年立鎮撫司

柳口在城西三十里金以完顏敵住爲柳口鎮巡檢卽今楊柳青鎮地明將周遇吉嘗以五百騎敗滿洲兵於楊柳青

軍糧城在城東南五十里與甯河縣分界元海運屯糧之所舊志引畿輔通志寶坻東南有軍糧城五代時劉仁恭所作案甯河志謂劉仁恭所築城曰梁城雍正間析寶坻地置甯河以梁城爲縣治通志謂軍糧城爲劉仁恭所作蓋誤以梁城爲軍糧城也

鹽場在三义沽元太宗甲午年有鹽鹵湧出因訴於官

按驗得實受旨煎造王鶚爲文紀其事載碑刻志至元

二十五年置三岔沽鹽使司明隆慶三年併於豐財場

天津鹽場此爲最古案三义沽卽三岔河

接運廳在大直沽去城東南十里許元建每歲春夏漕運官運糧達直沽交受時遣官二人按臨監護此爲駐節之所

### 天津縣新志 卷二十五

二

臨清萬戶府在大直沽元運糧萬戶官廨也後至元閒接運廳燬於火接運官嘗借居於此

尹兒灣在城北十八里潞河曲處明永樂六年平江伯陳瑄建百萬倉於此以貯海運在今北倉北舊志引方輿紀要在

天津城東案尹兒灣曩隸武清爲尹兒灣里雍正閒劃入天津界

三倉在道署西明永樂十三年罷海運改河運建倉貯糧於天津衛宣德閒增置三倉分隸三衛天津衛曰大運倉凡六廩左衛曰大盈倉凡九廩右衛曰廣備倉凡七廩崇禎末遭闖寇之亂焚燬無遺今倉門口猶存舊名

官窯隸於天津衛中所左所者俱在馬家口隸於右所者在西門外每所各有五窯明時燒甄修城

魚化橋在衛學櫺星門內明成化元年衛人劉鈺衛琳同舉於鄉橋有魚躍之兆因以爲名

教場在城外東南明弘治開兵備劉福建後移建西門

外康熙十三年總兵官田進學修葺之

衛志教場舊建在東門外東南

隅今新建在西門外西北隅縣志演武場舊建在東門外康熙十三年移建西門外西北隅案康熙十三年田進學重修閱武廳碑記閱武廳側在城西原應金氣歲久傾圮與舊志所云兩歧蓋教場舊在東後移於西至康熙十三年復加有演武廳將臺旗纛廟同治閒廳貯修葺故碑云重修火藥被焚就原址重建爲總督駐津大閱之所旁建親

天津縣新志

卷二十五

三

兵營今改罪犯習藝所

神機庫在清軍同知署西明建故址無存

草廠在城內東南隅

藏經閣在城西北稽古寺明萬曆七年建重檐四出風鈴遠聞數里人呼鈴鐺閣光緒十八年有市賈鬻木其下弗戒於火延燒及之閣貯大藏經一部悉燬無遺故址在今官中學堂門左

官莊大人莊俱在城東南何家圍明萬曆閒巡按汪應蛟屯田十圍之一圍有屯田御史及屯田道廳各官駐劄故名

陸公隄在西門外明萬曆三十二年教場決口水浸城  
甌二十四級同知陸敏捷牒請題留兩營班軍修護城  
隄繞城西南以禦水患居民德之稱陸公隄兩旁植柳  
成陰亦名柳林隄

舊志隄在藏經閣前案藏經閣在海會寺後隄應在海會寺前迤邐而南

轉而東行

錦衣衛橋在河東小關東北明錦衣衛指揮地橋跨今  
金鐘河

礮臺一在海光寺西一在馬家口一在三岔河北一在  
窯窪南岸一在西沽一在邵公莊東一在城西雙忠廟  
南凡七臺崇禎十二年建康熙初總兵趙良棟每臺撥

天津縣新志

卷二十五

四

兵十人防守今俱夷爲民居其在邵公莊者基址且爲  
南運河水齧盡

皇鹽廠在河北明堆貯貢鹽之地後廢

掣鹽廳在東門外海河東岸舊在鹽關上三官廟北巡  
鹽御史余縉爲之記載碑刻志乾隆初改建鹽關下光  
緒二十八年河東劃入租界掣驗復移於挂甲寺以其  
地改小學堂逮租界展拓街巷小學堂亦他徙舊時房  
舍蕩爲通衢

鹽坵在東門外海河東岸起鹽關南至季家樓止明鑾  
儀衛庭燎廠之葦地也迨庭燎廠裁撤以地畀蘆商貯

鹽自順治元年歲納坵租若干光緒二十八年劃入租界鹽坵乃移挂甲寺

問蓮浦在城西二里許引城濠水西流穿慈惠寺橋瀦爲塘灤其地低下日久淤塞民居櫛比矣

黃家潭在城內東北隅卽三義廟大窪蓄水極深人謂下有泉出乾隆閒兵備宋宗元濬東北城濠掘見覆釜甚多揭之泉湧或謂潭水與城外運河潛通故隄岸旋築旋崩疑爲龍竈所窟今隄工鞏固謠詠遂消

藍田在南門外凡二百餘頃周數十里爲總兵藍理營田舊址

天津縣新志

卷二十五

五

觀海臺在大沽南岸康熙二十八年鹽運使郎廷極建乾隆三十二年臨幸御製觀海詩刻石紀盛臺有亭三閒五十九年大風吹去

皇船塢在南門外開口三里北嚮康熙五十二年建乾隆二十六年改建塢房貯御舟十有一立內外壩以備出入設石閘以司啟閉所貯御舟曰安福艦曰翔鳳艇曰行春舫皆高宗賜名曰第一舟曰沙飛船曰湖船曰烏圖里船舟之最大者長九丈三尺闊一丈九尺凡爲塢房五十四間垣周一百六十丈林木青蒼頗饒幽勝嘉慶六年被水重修後奉裁拆卸光緒二十八年劃

入租界

行宮在海河東岸大直沽西南嚮乾隆三十年建四圍植柳御題曰柳墅行宮周二百四十丈有房五百閒宮殿朝廊亭臺樓閣以及溪橋樹石鶴鹿禽魚之屬靡不具備乾隆閒巡幸駐蹕者八由丁亥以迄甲寅凡有宸翰詩牋御題額聯一一恭貯其閒五十三年駐蹕時值福康安奏報剿滅臺灣逆匪林爽文莊大田俱被生禽乃頒奉御製紀事語二則藏之復頒存古今圖書集成等書嘉慶十三年巡幸淀津回鑾至天津閱兵於此道光二十六年奉裁變估今基址無存

天津縣新志

卷二十五

六

海河樓在三岔河口北岸崇禧觀東乾隆三十八年建御題海河樓榜字賜之每巡幸津沽行香各廟於此爲進茶膳之所有房一百五十二閒亭池臺榭略備層樓峻矗俯瞰流波尤據形勢之勝嘉慶以後鑿輅弗莅棟宇失修遂致荒圯咸豐之末外兵入境以之畀與法人爲天主教堂就地起洋樓一仍舊址故居人猶以河樓呼之同治九年教案猝起樓已被燬危壁獨存後以地讓還欲改醫院善堂而未果空閒三十年之久光緒庚子議和仍爲法人所有今歸然河上者聿復舊觀矣

舊志

有望海樓在望海寺前案望海寺面臨運河無地可容樓址當在其東舊志又載篆水樓在三岔河口今無考

俱埒  
此

馬蹏泉在楊家岑沙嶺旁水深尺許周二丈餘甘冽可飲取之不竭

魚骨廟在鄧家岑廟祇一楹魚骨爲屋脊中塑神像以圓魚骨爲座座旁有泉不堪飲

孟公橋在東門外卽鹽關浮橋其地先以渡船來往時有覆溺之虞雍正八年青州運同孟周衍造此居民德之故名今易鐵橋名金湯橋

考棚在城東南隅雍正十一年建爲學政按臨試士之所科舉停止改爲工場

天津縣新志

卷二十五

七

學海堂在問津書院內乾隆十六年鹽運使盧見曾建書院之講堂也侍郎錢陳羣爲題斯名咸豐閒舊額失去同治九年院長李嘉端補書之而誌其緣起於後光緒二十六年兵劫書院被燬斯堂幸存廚丁王恩榮知額字可貴撤而藏之故存至今焉

得勝口卽城西稍直口咸豐三年粵匪犯境官紳倉卒督率兵勇禦之於此陣斬悍酋賊敗竄回因以得勝名其地

鎮海樓在大悲院同治末大悲院駐兵環寺列壘而建樓於門外高五級周六面卓立如墀用以瞭遠光緒庚

子之敗營壘無存惟斯樓尙在

### 埭園亭

園林之樂生人所宜縣境無山邱而饒於水隨在皆可結構焉然數百年來廢者多而興者少得毋通商之地日趨浮靡而風雅稍衰歟

浣浴亭在戶部分司署內明正德閒郎中汪必東建百歲園虛心徑俱在道署內康熙初兵備薛柱斗建環水樓在鹽政署後不知建於何年巡鹽御史莽鵠立顧琮各有文記之繹志軒亦在鹽政署雍正二年莽鵠立建蓋皆政暇游憩之所也宜亭在城西演武廳右月隄上

### 天津縣新志

### 卷二十五

八

康熙閒兵備朱士傑建四圍植楊柳夏無炎暑游者忘返日久俱廢今官家所築者曰公園在河北大經路問津園在錦衣衛橋一畝園在城東北俱遂閒堂張氏別業張氏盛時招致海內名士館於其家以此爲宴游之地沈一揆吳雯姜宸英趙執信邵長蘅查慎行皆有游問津園及一畝園詩迨張霖遭事被籍亭館荒涼過其地者每興今昔之感霖曾孫映辰恢復先業起河北墓園曰思源莊時有文人會集其地規模雖隘遺韻猶存至今人樂道之與張氏同時者有龍震之老夫村在閘口下梁洪之七十二沽草堂在鍋店街後而張霖弟



靈復自築別墅於三岔河口讀書其中題曰帆齋

水西莊在城西三里運河南岸爲查日乾別業地周百畝樹石清幽中有攬翠軒枕谿廊數帆臺藕香榭花影菴碧海浮螺亭泊月舫繡野籜雍正以來查氏父子延攬賓客觴詠無虛日一時推爲極盛迨乾隆十三年高宗東巡鳳艗經過其地遂爲駐蹕之所以春夏之交紫芥盛開賜名芥園後二十年乃建河神廟於東偏而園林如故官舶往來時有冠蓋雲集或文人學士出郊游眺載酒相從梅成棟嘗於其中結梅花詩社同治閒樓閣就圯夷爲菜圃惟山石嶙峋尙與御碑並峙自光

天津縣新志

卷二十五

九

緒庚子地爲兵警所據園基日蹙廛市相侵雖存勝地之名非舊構矣自芥園渡河爲浣花村知州杜甲僑居之里門前亦有小園其旁爲豔雪樓詩人佟鉉妾趙氏豔雪所居也久圯基址已失所在今猶稱佟家樓云

沽水草堂在城東南六里爲安尙義別業中饒水竹臺榭之勝別構邃室藏金石書畫甚富人比之天籟閣南溪在城東南隅本康氏曲水園後歸牛氏曲通濠水花柳掩映宛似江南村落今呼康家花園者卽其地也虛舟亭在城南一里許爲宋氏園平橋曲榭蘆葦紛披夏時荷開繞亭爛如雲錦懷園在城東南四里王氏別業

也對岸爲郭園郭氏別業也棗香村在城南五里亦名南莊童氏別業也其在城中西北隅者曰領南軒曰杞園曰環青園皆金氏別業在東門內者曰蕭閑園楊秉鉞別業有倚雲廊澄懷堂入室峰種薌渠觀魚池暖翠巖幽蘭谷躡丹坪抱膝石寄曠亭紫筠徑宿雲洞諸勝今已荒廢人稱楊家花園又別有楊園在城西與水西莊相近抱甕園在城東北香林院內道士王聰築以款接文人者寓游園在城東李承鴻建園有十景人多詠之李氏起家鹽筴耽詩好客館康堯衢於園中一時沾上詞人相與結社聯吟主盟壇坫猶有張查風雅之遺

天津縣新志

卷二十五

十

今有榮園爲李氏別業在城南十二里東樓李園在城東金鐘河畔以多種芍藥名百二十畦芍藥園

附寺觀

寺觀密布多不勝收擇要而書其旨在紀事實也

城隍廟在城西北隅永樂四年建雍正四年州人繆啟乾建樓五楹九年政府城隍廟乾隆四十一年別建縣城隍廟於旁兩廟並列祀典今於其閒設學堂警署

關帝廟在戶部分司東者曰鎮倉關王廟明代舊建嘉靖三十一年分司朱天俸廓大之有母武張體乾各碑記可考日久頽圯康熙七年浙江紹興人之居天津者

就其址建爲鄉人聚會之地名曰鄉祠其西曰護餉關  
帝廟卽列入祀典者也其北門子城者明嘉靖年建  
光緒庚子拆城廟與俱毀在閘口道南者嘉慶閒僧理  
通募建事載人物傳今在租界中

天妃宮一在大直沽東岸一在直沽西岸皆元建史云  
泰定三年作天妃宮於海津鎮卽在直沽者也其在大  
直沽者至元年建泰定閒被火重修時稱東西廟每歲  
海運駛至海濱劉家港省臣漕臣齋戒卜吉於天妃靈  
慈宮謂東廟也其後東廟廢而西廟存加封天后聖母  
列入祀典今名天后宮

天津縣新志

卷二十五

十一

慶國寺在大直沽南大孫莊相傳古有征遼者駐師此  
寺故又名挂甲寺日久廢圯明萬曆二十八年游擊將  
軍張良相東征日本取道於茲募挂甲之名乃督營卒  
就遺址重建雍正六年營田觀察使黃世發於此營圍  
田焉

湧泉寺在南門內明時每逢聖誕令節元會長至各官  
先期習禮寺中或各省大吏入覲亦於此習拜跪之儀  
弘治閒副使劉福展拓殿基陞墀高廣規制大備今爲  
警署

慈惠寺在城西明崇禎九年重建寺有明將周遇吉書

如是堂榜字或謂明季遇吉調防天津時嘗寓居寺內  
今爲小學堂

小聖廟在鹽坨相傳神滕姓名經年二十三落水成神  
故稱小聖蓋海神也舊有廟在河西始封平浪侯繼封  
護國濟運顯應平浪元侯商舶往來屢荷顯應順治六  
年復建廟河東棟宇宏敞陳廷敬余泰來皆有碑記載

碑刻志今廟址劃入租界

續縣志河東鹽坨靈應宮明崇禎三年因開運河敕建廟

前石坊額云海宴錫麻明潞王題乾隆閒敕封平浪王與此是一是二廟毀無考

海神廟在大沽南岸康熙三十六年奉錦歲饑發倉粟  
運以巨舟出口東指遼海三日而達盛京 上以海神

天津縣新志

卷二十五

三

效靈發帑重建列入祀典御製碑文賜殿額曰靜洪波  
觀音閣曰潮音清梵水母殿曰涵育厥後雍正乾隆兩  
朝累賜宸翰 高宗御製海神廟瞻禮述事詩埒刊碑  
陰道光閒重葺賜額曰靈昭析木觀音閣然燈照海船  
舶夜行不迷所向河神廟在芥園乾隆三十五年天津  
大水兵備道宋宗元禱神建此代有賜額

弘仁廟在閘口初名龍王廟雍正四年賜額改今名恬  
佑祠在閘口南明建舊爲平浪侯廟乾隆四十一年

高宗巡幸莅廟拈香御製詩章五十三年賜恬佑祠額  
聯五十五年復賜詩章嘉慶六年大水爲患禱神有靈

奏頒藏香答謝之風神廟在閘口敕建乾隆以來累賜額聯與恬佑祠同列祀典今俱沒入租界中福佑祠在新城乾隆閒賜御書額聯

海光寺在南門外三里康熙四十五年總兵藍理建初名普陀寺五十八年寺僧成衡迎鑾西淀御書海光寺額昇之因易今名 高宗巡幸津沽閱武於此詩章宸翰燦若球琳遂爲名刹時有高僧駐錫其閒同治閒以寺外隙地拓爲機器分局已變清曠爲塵囂光緒庚子兵燹地當其衝廟宇盡毀今在租界中

般若菴在城西梁家嘴村孤雲寺原名白廟在城北潞

天津縣新志

卷二十五

三

河東岸兩廟俱有 聖祖御書賜額

望海寺在三岔河北岸乾隆三年重建其東爲香林院康熙初天后宮道士李怡神建怡神弟子王聰以風雅著稱一時詞人多樂與之游乾隆五十三年賜名崇禧觀值鑾輿莅津拈香兩寺各以詩章聯額賜之

大悲院在窩窪康熙八年重建釋世高駐錫其閒登壇說法暇與南北名士以詩倡和龍震張霏梁洪與之往來尤契稱高僧焉同治末廟地駐淮軍及天津練軍改名大勝寺光緒庚子被兵遺構略存今爲鑄錢廠警察公署

淨土院在窯窪舊名元帝廟明建廟有磬文曰東沽港村東沽蓋對西沽而稱窯窪其近名也張霏有淨土院看桃花詩

善慶菴在城西張官屯道北明建康熙閒移道南俗名黑和尚廟後以地處僻遠貯藏火藥今已無存水月菴在城內東南康熙年建光緒閒設軍械所官書局二十六年兵燹焚掠無遺今殿宇雖存廟基已蹙

草廠菴在城內東南隅衛人梅應卜建以爲施振之所今爲學堂

茶棚菴在北門西舊以其地施茶故名雍正閒侯天順

天津縣新志

卷二十五

古

重葺之而踵行其事且施粥施衣給藥給構善舉尤備額聯稱頌丹漆常新光緒庚子毀於兵

準提菴在北倉接引菴在小夥巷牛圈康熙年建乾隆閒有劉氏女守貞不嫁孤苦無依寄居兩菴先後三十年事載叢餘

朝陽觀在戶部街咸豐八年張錦文於其閒設鋪勇總局鄉里資其捍衛今爲學堂

紫竹林在城東南上園南居人取以名其村同治閒劃入租界層樓四起已成洋場仍以舊村名呼之光緒庚子後租界展拓街衢廟基已失

三官廟四城外俱有之其在西門外者傾頽已久同治九年就遺址建親王僧格林沁祠高踞道左雖大水潦從無淹浸之虞居民結廬欲測地勢高下以免水患恆以廟基爲率

古皇菴在城西姚家灣舊名三皇廟元季建光緒初大吏議於寺旁穿渠道水南行士民阻之以城西開河乾隆閒嘗有倡此議者 高宗親勘其地謂偏近津城不能經久無弊已有明訓載芥園御碑其事乃寢愍忠祠在溜米廠街光緒元年海運官乘輪船撞沈海中以其沒於王事建祠祀之

天津縣新志

卷二十五

五

厲壇寺在城外東南隅縣舊有厲壇在城西久廢光緒三年歲旱流民就食者眾有司擇地支蘆棚煮粥飼之一日平明火起主其事者不卽啟鑰全廠俱焚死二千人六年鹽運使如山就地建厲壇歲時建醮並起地藏王殿以僧守之名厲壇寺二十六年燬於兵火

如意菴在城西永豐屯俗名天后行宮光緒二十二年三月迎神不戒於火焚死婦女數十人今爲小學堂海會寺在城西北元至元閒天竺國僧海會結菴於此故名旁爲稽古寺明萬曆七年建其後海會寺圯以地併入稽古寺光緒十四年改稽古書院以經解詩賦課

士二十八年改普通學堂今爲官立中學堂

文昌宮在城西北隅乾隆間建東曰天安寺原名板橋寺西曰海潮菴有總兵藍理題額曰南海行宮皆舊刹道光間重修文昌宮因就其旁海潮菴爲輔仁書院光緒初復併入天安寺地拓爲東西兩齋舍分課生童今改初級師範學堂

福壽宮在小稍直口後有高樓可以眺遠今於其中設小學堂

藥王廟在城外西北隅明永樂年建今爲私立中學堂白衣寺亦名觀音寺在河北明正統七年建西方菴在

天津縣新志

卷二十五

六

河東明天啟年建泰山行宮在河東明崇禎七年重建育德菴在城西北明建直指菴在窯窪放生院在梁家嘴東祖師廟在鹽坨皆康熙年建太陽宮在雙忠廟街乾隆年重建過街閣在鹽坨嘉慶年建大悲菴在城東南隅玉皇廟在河北藥王廟在河北金華橋東三清宮在新城三元廟在范家莊火神廟在西沽娘娘廟在河東蕭曹祠在西門內今俱爲小學堂彌勒菴在東門內準提菴在城內無量菴在北門內白衣菴在河東黃姑菴在永豐屯白寺在太平街獅子林在河北今俱爲女子小學堂天齊廟在東門外甘露寺在河北地藏菴



在河東今俱爲宣講所埒設小學堂  
雲霞觀在雙忠廟西自學堂警署工廠多用廟宇好事  
者輒移神像於此叢居錯列供奉一堂名之曰千福寺

天津縣新志卷二十五終

天津縣新志

卷二十五

七